



# RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166  
Rješenje Kantonalnog suda Tuzla br: U/I-0891/98. ID PDV broj: 209329530001  
Identifikacijski broj: 4209329530001 Porezni broj: 03421100



[www.rmub.ba](http://www.rmub.ba)

Broj: 5384 /21  
Datum: 26.03. 2021

Na osnovu člana 69. stav (2) tačka d., člana 25. i 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), člana 82. Statuta RMU Banovići d.d. Banovići broj: 317/16 od 11.01.2016.g., člana 34. Pravilnika o javnim nabavkama roba, usluga i radova broj 5764/15 od 13.05.2015. g., Rješenja Ureda za razmatranje žalbi BiH broj JN2-01-07-1-3314-10/20 i broj JN2-01-07-1-3379-10/20 od 03.02.2021.godine (zaprimljena kod Ugovornog organa 25.02.2021.godine) i na Preporuku Komisije za nabavku iz Zapisnika o pregledu i ocjeni ponuda broj: 38aZC/21 od 17.03.2021.godine, u postupku javne nabavke: **NABAVKA DVA BULDOZERA GUSJENIČARA (C-R-I 01/20)**, Ugovorni organ RMU „Banovići“ d.d. Banovići, je donio

## ODLUKU o poništenju postupka javne nabavke

### Član 1.

Poništava se postupak javne nabavke: **NABAVKA DVA BULDOZERA GUSJENIČARA, broj nabavke C-R-I 01/20** iz razloga:

„Nijedna od primljenih ponuda nije prihvatljiva“ (član 69. stav 2. tačka d. Zakona o javnim nabavkama BiH), čime se poništava Odluka o izboru najpovoljnijeg ponuđača broj 17191/21 od 04.11.2020.godine i Zapisnik o pregledu i ocjeni ponuda broj 156ZC/20 od 29.10.2020.godine, a u skladu sa Rješenjem Ureda za razmatranje žalbi BiH broj JN2-01-07-1-3314-10/20 od 03.02.2021.godine i broj JN2-01-07-1-3379-10/20 od 03.02.2021.godine (zaprimljene kod Ugovornog organa 25.02.2021.godine).

### Član 2.

Za izvršenje ove odluke zadužuje se i ovlašćuje Komercijalni sektor.

### Član 3.

Ova odluka objavit će se na web-stranici [www.rmub.ba](http://www.rmub.ba).

### Član 4.

Ova odluka stupa na snagu danom donošenja.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 4977/20 od 26.03.2020.g

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 1.600.000,00 KM.

Obavještenje o nabavci broj: 565-1-1-147-3-142/20 objavljeno je na Portalu javnih nabavki dana 22.04.2020. godine, a sažetak obavještenja o nabavci objavljen je u „Sl. glasniku BiH“, broj: 23/20 od 24.04.2020.godine

Komisija za javnu nabavku imenovana je Rješenjem broj: 5047/20 od 27.03.2020. godine.

Komisija za javnu nabavku dostavila je dana 19.03.2021. godine Direktor Društva Zapisnik o pregledu i ocjeni ponuda broj: 38aZC/20 od 17.03.2021.g. u postupku javne nabavke „**NABAVKA DVA BULDOZERA GUSJENIČARA**“.

U postupku po Izvještaju o radu je utvrđeno da je Komisija za javnu nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da nijedna ponuda nije kvalifikovana i prihvatljiva za Ugovorni organ.

Ponuda ponuđača TEIKOM BH d.o.o. SARAJEVO nije kvalifikovana iz sljedećih razloga:

- Uvidom u sadržaj tehničke specifikacije, predmetne ponude, u Tački 1.10 nudi se sjedište ventilirano, podesivo i sa zračnim ovjesom, dok se isto neposredno ne može utvrditi i u sadržaju kataloške dokumentacije dostavljene u predmetnoj ponudi, te da navedena stavka u sadržaju kataloške dokumentacije nije na jednoznačan način identifikovana.



- Uvidom u sadržaj tehničke specifikacije predmetne ponude, u Tački 1.4 nudi se Hidrostatski diferencijalni sistem upravljanja gusjenicama koji omogućava da se gusjenice kreću različitim brzinama, tako da je snaga motora u potpunosti iskorištena, dok se navedeno neposredno ne može utvrditi i u sadržaju katalogske dokumentacije u predmetnoj ponudi, te da kroz istu na jednoznačan način nije identifikovan Hidrostatski diferencijalni sistem upravljanja kako je zatraženo uslovima postupka.

- Uvidom u sadržaj tehničke dokumentacije predmetne ponude u Tački 1.3 nudi se Motor koji je opremljen hladnjakom za teške uslove rada; u Tački 1.6 Donji postroj, ponuđeno je „Sandučastog presjeka“; u Tački 1.8 Elektro sistem, ponuđeno je : Rasvjeta prednja (4 komada) i zadnja (2 komada) radna LED rasvjeta, dodatna rasvjetna LED tijela naprijed 2 komada na svakom od cilindara dizanja noža; u Tački 1.9 Dodatna oprema, ponuđena je sirena radna električna. Sve navedeno nije utvrđeno u sadržaju dostavljene tehničke dokumentacije.

- Utvrđeno je da je priložen detaljan spisak standardnih alata za buldozer za jednu mašinu, a ne za obje mašine. U predmetnoj Tenderskoj dokumentaciji na strani 8, u dijelu Detaljan spisak standardnih alata je traženo: „Navesti odvojeno, za svaki buldozer detaljan spisak svih standardnih alata koji su obuhvaćeni isporukom“, što znači da nije dostavljeno u skladu sa traženim zahtjevom.

Ponuda ponuđača NGH d.o.o. TUZLA nije kvalifikovana iz sljedećih razloga:

- U dostavljenoj ponudi ponuđača „NGH“ d.o.o. Tuzla na strani 131, u dijelu ponuđene karakteristike pod tačkom 1.4. ponuđač je naveo kako nudi „Hidrostatski diferencijalni sistem upravljanja gusjenicama koji omogućava da se gusjenice kreću različitim brzinama, tako da je snaga motora u potpunosti iskorištena.“ Provjerom u dostavljenom katalogu mašine (strana 72, odnosno 84 ponude), nedvojbeno se vidi da ponuđeni buldozeri imaju hidrostatko upravljanje bez diferencijala.

- U dostavljenoj ponudi ponuđača „NGH“ d.o.o. Tuzla nije ispunjen zahtjev iz tačke 7.3.1. tenderske dokumentacije, odnosno ponuđač nije dostavio tražene dokaze iz tačke 7.3.2. gdje je uz izvještaj Centralne bavnke o računima ponuđača bilo potrebno dostaviti i spisak svih banaka u kojima ponuđač ima otvorene račune te Potvrde od svih banaka da računi nisu u blokadi.

Ponuda ponuđača TEKNOXGROUP BH d.o.o. SARAJEVO nije kvalifikovana iz sljedećih razloga:

- U Aktuelnom izvodu iz sudskog registra broj: 065-0-RegZ-20-002513 od 01.04.2020.godine izdato od Općinskog suda Sarajevo koji je priložen u ponudi (strana 32. Ponude) utvrđeno je da zakonski zastupnik direktor Mirza Sabljica ima ograničen obim ovlaštenja. Ponuđač nije dostavio obrazloženje navedenog ograničenja ovlaštenja.

- Na stani 47 ponude, navedena je masa protutega od 2437 [kg], a provjerom u dostavljenom katalogu ista nije nigdje navedena

- Tenderskom dokumentacijom na strani 7, pod 1.13 traženo je sljedeće : „U ponudi je neophodno dostaviti izjavu o obuci osoblja za održavanje sa navođenjem podataka o trening centru (adresa)“. Ponuđač je u svojoj ponudi naveo da prihvata zahtjeve Ugovornog organa iz tačke 1.13 i naveo da je Izjava u prilogu. Pregledom kompletne ponude, utvrđeno je da pomenuta Izjava nije dostavljena u ponudi.

- Nije dostavljena potvrda o solventnosti za bankovni račun pod rednim brojem 3 kod Raiffeise bank d.d. Sarajevo

- Uvidom u dostavljenu ponudu ponuđača, na strani 99 je konstatovano da je isti priložio detaljan spisak standardnih alata za buldozer CAT D8T – za jednu mašinu. Kako u Tenderskoj dokumentaciji na strani 8, u dijelu Detaljan spisak standardnih alata stoji : „Navesti odvojeno, za svaki buldozer detaljan spisak svih standardnih alata koji su obuhvaćeni isporukom“, utvrđeno je da ponuđač nije postupio u skladu sa traženim zahtjevom iz TD.

- Tenderskom dokumentacijom u dijelu Tehničke karakteristike predmetne nabavke, pod tačkom 1.18 Servisne usluge (strana 7 TD) je traženo:

Servisne usluge po isporuci buldozera dostupne u BiH na lokaciji ugovornog organa u roku od 24 sata po pozivu“.

U ponudi na strani 61, u dijelu tabele ponuđene karakteristike je navedeno:

„Servisne usluge po isporuci buldozera dostupne u BiH“. što znači da izabrani ponuđač nije dostavio u skladu sa traženim zahtjevom.

- U dostavljenom katalogu nije pronađena potvrda da ponuđeni buldozeri imaju-posjeduju odmagljivač, FM radio i svjetlo u kabini



Nadalje, u postupku ocjene provedenog postupka, Ugovorni organ RMU „Banovići“ d.d. Banovići nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom. Naime, u postupku predmetne nabavke nesumnjivo je utvrđeno da nijedna primljena ponuda nije kvalifikovana i prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d., člana 25., člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 člana 82. Statuta RMU Banovići d.d. Banovići broj: 317/16 od 11.01.2016.g., člana 34. Pravilnika o javnim nabavkama roba, usluga i radova broj 5764/15 od 13.05.2015. g., odlučeno je kao u članu 1. ove odluke.

**DOSTAVLJENO:**

- Komisija  
- a/a.

**V.D. DIREKTOR**

Fadil Kudumović dipl. inž. rud.



**Transakcijski računi:**

161 0250 007 190075 Raiffeisen bank d.d. BiH, filijala Tuzla  
132 1300 309 179345 NLB Banka d.d. Tuzla, filijala Banovići  
187 2000 000 044917 Postbank BH d.d. Sarajevo, filijala Živinice  
154 3602 003 310866 Intesa Sanpaolo banka d.d. BiH

306 0450 000 163538 Hypo Alpe Adria bank Bosnia d.d.  
140 4010 018 681113 Sberbank BH d.d. Sarajevo  
186 0001 048 962098 Turkish Ziraat bank Bosnia d.d.  
338 4402 212 197081 UniCredit banka d.d. Mostar  
555 0530 049 467130 Nova banka AD Banja Luka, ekspozit. Tuzla